

# كرمه يشمل حتى من جحد! | ذكرى وعبرة ٣ | حلقة ٦٢ | فاضل

سليمان

فاضل سليمان

رسائل رحمته حواليك تبعها وخد امل منها كان قبلك لذكراك طول ما لسه الروح في جسمك طول ما تبقى احسن في الحياة من يوم ميلادنا واحنا اطفال في الصغر من ساعتها ليوم وفاتنا كل - [00:00:00](#)

السلام عليكم ورحمة الله وبركاته المفروض في الغرب كل مسلم يكتب وصيته ويقسم املاكه في الوصية على الورثة الشرعيين لان القوانين في الغرب لا علاقة لها بالشريعة الاسلامية طبعاً. وبتختلف يعني تماماً من بلد لآخر. مسلاً في بعض البلاد - [00:00:40](#)

لا يورثوا الاولاد مطلقاً ولا الاب ولا ام المتوفى. تعطى كل التركة للزوجة او للزوج لو الزوجة هي اللي توفيت لكن الميزة في القوانين دي هي انها بتتيح للمواطن كتابة وصيته وتقسيم تركته كما يشاء - [00:01:02](#)

احنا بنكتب وصيتنا ونقسم اموالنا طبقاً للشرع ونوكل محامي يقوم بهذه المهمة مهمة التقسيم آآ بعد الوفاة يعني بعد ما الواحد ايه آآ يموت مثلاً بكتب في وصيتي برجاء مسلاً شف مين عايش من من من اه من والدي اه امي من فضلك ادي امي السدس - [00:01:22](#)

مين عايش آآ زوجتي زوجتي التمن والباقي يقسم بين اولادي بالنسبة الفلانية وهكذا. باكتب بالزبط زي الشريعة الاسلامية ولو حصل تغيير في الورثة نتيجة وفاة حد او حاجة لا قدر الله. الواحد ببجد وصيته تاني وببيعد كتابة وصيته وببيديها بيودعها عند المحامي ده اللي هو موكله - [00:01:49](#)

احد اصدقائي مبتلى في ابنه لانه اعلن الحاده وحاول معه كثير والناس اتكلمت معه لكن الولد مصر على موقفه. والولد مهذب مع ابوه وامه لكن يعني للأسف اخذ قراره. ومش عايز يسمع خلاص - [00:02:09](#)

المهم صديقي ده كلمني ببسألني قال لي انا باكتب وصيتي حالياً لتقسيم ثروتي بعد وفاتي هل اكتب لابني ده شئ شرعاً الولد ليس له ميراث لانه كفر. ما هو ملحد يعني كافر - [00:02:26](#)

قال لي بس انا فعلاً لو ما كتبتلوش حاجة مش هيلاقى ياكل. الولد لا يملك شئ وليس لديه مصدر دخل يعني الحقيقة اشفقت جداً على صديقي ده وهو انسان فاضل وقلبه طيب احسبه على خير - [00:02:45](#)

ويا ريت ندعي له كده ان ربنا يهديه ويهدي قبله ويهدي اولاد المسلمين جميعاً قلت له يعني الشرع واضح ان لا يجوز توريث آآ اهل الاديان المختلفة. ولكن انتظر سأسأل - [00:03:02](#)

يعني ان كان ممكن من الوصية الشرع ممكن الانسان يوصيه بشرطين ان الموصى له قولهم يكونوا من غير الورثة ما ينفعش انت توصي لوريث الحاجة الثانية القدر الموصى به لا يزيد عن الثلث - [00:03:17](#)

فقلت اسأله هل يجوز آآ اننا نكتب شئ من الوصية للولد الملحد دوا الكافر ده لانه خلاص اصبح مش فسألت شيخنا الفاضل الدكتور محمد ولد الحسن الدو الشنقيطي ورئيس مركز تكوين العلماء في موريتانيا. مركز تكوين العلماء في موريتانيا. آآ - [00:03:36](#)

فخر لموريتانيا وللعالم الاسلامي كله وقلت له آآ الوضع فقال لي الولد ممكن يأخذ من الوصية فعلاً طبعاً انا والله ما قال لي كده انا على التليفون انا بكيت يعني الولد كفر بالله - [00:03:58](#)

وربنا عمل تشريع له بحيث انه لو كفر يلاقى ياكل ويأخذ من تركه ابوه برضه بقدر يكفيه قدر مش وحش قلت يا رحمتك يا رب حتى من لا يستحق اوجدت له طريقة ترزقه بها - [00:04:18](#)

وده فكرني ان آآ في احدى السنين صديق لي طلب مني اقابل امرأة ملحدة. ازن كان في الفين وواحد ولا الفين واثنين طلب مني اني اقابل امرأة ملحدة في امريكا كنت عايش في ساعتها في امريكا - [00:04:37](#)

اه واني اكلمها عن الاسلام بالفعل قعدت معها شرحت لها معنى كلمة اسلام يعني ايه ؟ بدأت اشرح لها في مفهوم اللوهية ولسه بذكر بعض يعني اسماء الله الحسنى. واذا بها تنهار في البكاء - [00:04:53](#)

ما لك يا ستي انت عارف ان هذا الدين هو حل لكل مشكلاتي فعلا وحل الهموم اللي عندي وللضغط العصبي اللي عندي قالت لي لان انا ملحدة لذلك لابد اني ارزق نفسي. ما عنديش رازق - [00:05:10](#)

وكمان وانا بارزق نفسي لازم اعمل حساب المستقبل. لما اكبر وما اقدرش اشتغل لذلك انا اعمل كثيرا جدا ما يقرب من ستاشر ساعة في اليوم بحيس لو اشتغلت مسلا اربعين سنة يكون معي فلوس تكفيني كمان اربعين سنة زيههم - [00:05:32](#)

انا عاملة زي التور اللي بيلف في الساقية ليل نهار وببزل جهد ضخم جدا. لاني لا اعرف ماذا يخفي لي المستقبل في نفس الوقت انا مسؤولة عن حماية نفسي من الاخطار - [00:05:52](#)

لان ليس لدي حافظ او حفيظ يحفظني انا مطلوب مني ارزق نفسي واحفظ نفسي في نفس الوقت بالتالي عشان احفز نفسي من المخاطر لا بركب طيارات وبخاف من ركوب السيارات والقطارات بل واخشى على صحتي ان الانهيار نتيجة الارهاق - [00:06:09](#)

بالتالي مطلوب اجيب اقصى دخل ممكن بكل الوسائل اللي ممكن تسبب خطورة على حياتي اللي انا المفروض ما اعملهاش. يعني المفروض اجيب اقصى دخل ممكن باقل جهد ممكن. عشان على نفسي - [00:06:32](#)

الاثنين دول متعارضين لكن لما انت ذكرت اسم الله الرزاق بسم الله الحفيظ مع بعض شعرت اني اتمنى انه فعلا يكون موجود في حياتي حتى اعتمد عليه اسماء الله الحسنى مهم جدا اننا نفهمها - [00:06:48](#)

علشان نعرف احنا بنعبد مين خدها مني نصيحة لو عرفت انت بتعبد مين وانت نفسك مين هتعيش مرتاح. وستتعامل مع كل شيء ببساطة لانك اصبحت فاهم العلاقة فاهم العلاقة بينك وبينه - [00:07:08](#)

لن تتعامل مع الناس بعد هذا اليوم. ستتعامل فقط مع الله وانت بتعامل الناس تعامل الله ولو اعطيت تعطي اللي لله ولن تنتزر شكر من الناس على خدماتك ولكن تنتزر شكر من الله - [00:07:28](#)

ولو اخدت تأخذ من الله لا تنتظر تأخذ من الناس. وتعرف ان هو ربنا رقيب عليك تعيد الحقوق ومن نعم ربنا علينا اللي قرأتها في كتاب الشيخ علي الطنطاوي آآ - [00:07:45](#)

هو اختيار الله لو تفكروا كنتم كلمتكم قبل كده في حلقة على آآ صلاة ركعتين مقالة صلاة ركعتين في كتاب فصول اسلامية للشيخ علي الطنطاوي من نعم ربنا علينا اختيار الله لاثنيين - [00:08:00](#)

من اسماء الحسنى في الفاتحة الرحمن والرحيم عشان الجنين في الفاتحة اما ربنا يلزمك بقراءة الاسمين دول سبعتاشر مرة على الاقل كل يوم بقينا بنقرأ الفاتحة سبعتاشر مرة في السبعتاشر ركعة بتوع الخمس صلوات. المفروض ان على الاقل ده غير بقى كمان لو انت بتصلي السنن - [00:08:15](#)

الاثنين دول يتكرر فيهم جذر وكان ممكن يكونوا قسمين تانيين. يعني كان ممكن ربنا يختار مسلا القهار المقتدر مسلا تخيل كده تبقى الفتحة كده لو انت بتقرأ كده وانت بتصلي الحمد لله رب العالمين. القهار المقتدر. ما لك يوم الدين - [00:08:42](#)

لكنه اختار اسمين من مادة الرحمة لينعكس ذلك على حياتك كل يوم قل لي كم ساعة تقف تفكر نفسك ان ربك رحيم رحيم وكان ممكن يكون اسم واحد. الرحمن بس مسلا - [00:09:07](#)

او الرحيم بس يعني تبقى الفاتحة كده. الحمد لله رب العالمين. الرحمن. ما لك يوم الدين. او الرحيم. ما لك يوم الدين كان ممكن ربنا ما عملهاش كده ربنا لم ينزلها كده. ليه - [00:09:25](#)

بان ربنا بيذكرك ان رحمته تتكرر كما ان ذنوبك تتكرر اذا كانت ذنوبك تتكرر فرحمة الله تتكرر لا تقنط ابدا من رحمة الله ولكن هل احنا بنقرأ الفاتحة كده هو ده السؤال او مجرد بنهمهم همهمات بافواهنا ولا يصل الكلام الى قلوبنا - [00:09:43](#)

لما النبي صلى الله عليه وسلم وصف الخوارج قال ايه؟ قال يقرأون القرآن لا يجاوز حناجرهم يعني بيقرأوا القرآن بافواههم لكن لا يصل الى قلوبهم. لذلك لم يتأثروا عمليا في حياتهم. القرآن - [00:10:11](#)

اذا تدبروا الانسان يغيروا عمليا حتى النبي صلى الله عليه وسلم وهو خير الناس ونعلم انه كان اجود الناس اجود الناس يعني اكثر الناس جودا. يعني كرما ولكنه كان اكثر - [00:10:29](#)

كرما وجودا في رمضان طب اشمعنى رمضان؟ هل من اثر الصيام؟ يعني هل الصيام ييزود الكرم عند الانسان اسمع كده حديث ابن عباس عن ابن عباس رضي الله عنه قال كان رسول الله صلى الله عليه وسلم - [00:10:48](#)

اجود الناس وكان اجود ما يكون في رمضان اسمع بقى اسمع ليه كمل الحديث وكان اجود ما يكون في رمضان حين يلقاه جبريل وكان يلقاه في كل ليلة من رمضان في - [00:11:07](#)

فارسه القرآن اذا هذا هو اثر القرآن على الرسول عليه الصلاة والسلام بتاعة القرآن مضاعفة في رمضان فاثرت عمليا في النبي صلى الله عليه وسلم في رمضان. فاذا كان ده حال القرآن مع النبي صلى الله عليه وسلم - [00:11:28](#)

هل القرآن ممكن يغيرنا احنا ازاى؟ لو فهمناه وتدبرناه السلام عليكم. واشوفكم باذن الله بكرة في ذكرى جديدة وعبرة جديدة. ولو كنتم بتتفرجوا على الانترنت ما تنسوش تعملوا لايك وشير للفيديو. وتشتركوا في القناة - [00:11:46](#)

الضغط على زر سبسكرايب وتفعّلوا آآ خاصية التنبيه بالضغط على الجرس. والسلام عليكم رسايل رحمته حوالبك تبعها وخذ امل منها كان قبلك لذكريات السكاكين طول ما لسه الروح في جسمك طول ما - [00:12:01](#)

لسه فرصة تبقى احسن في اللي في الحياة يوم ميلادنا واحنا اطفال في الصغر من ساعتها ليوم وفاتنا كل - [00:12:27](#)